

REGALIS CELSITUDINIS
VICTORIS
AMEDEI II.

SERENISSIMI SABAUDIÆ
D U C I S

34-6-5-24

NUPER IN LUCEM EDITO

F I L I O
GENETHLIACON

H A B I T U M

*IN AULA MAXIMA ROMANI COLLEGII
SOCIETATIS JESU*

A JOSEPHO IGNATIO CHIABERGE
EJUSDEM SOCIETATIS.



ROMÆ, M.DC.XCIX.
TYPIS BARBERINIS:

Excudebat Dominicus Antonius Hercules.
CUM FACULTATE SUPERIORUM.

REGALIS CENSITUDINIS
VICTORIS

AMADEI II.

SERENISSIMI SABAUDIE

D U C I S

NOBIS IN ALCER EDITO

FILIO
GENETHLIACON

H A B I T U M

IN ALCER MAXIMA ROMANI COLLEGII
SOCIETATIS JESU

A JOSEPHO.IGNATIO CHIRBERG
EJUSDEM SOCIETATIS.



ROME, MDC.XCIX.
TYPIS D'ARBERINIS


Ex Libris Dominice Academicæ Bibliothecæ
Societatis Jesu

71
REGALI CELSITUDINI
VICTORIS AMEDEI II.

SERENISS. SABAUDIÆ DUCIS

JOSEPH IGNATIUS CHIABERGE.

Felicitatem.



AUSTISSIMIS tandem auspiciis,
REGALIS PRINCEPS, edita in lucem optatissima Proles tot, ac tantis Italiam implevit gaudiis universam; ut letandi finem, modumque Populi nesciant, qui nesciunt amandi. Omnes enim intelligunt, Hærede Filio Genitoris vestigia premente, firmatam in posterum esse Pacis tranquillitatem, quam Te Arbitro, & Authore aliquando fuerant assequuti: & dū felicitatem suam in hac Tua contineri præsentunt, ut sine adulatione, ita sine modo gratulantur. Tot inter plausus pudebat unum me conticescere, & erumpere gestientem lætitiā indecoro silentio cohibere. Erupit gratulantis affectus. Imò, vide lætitiā quid audeat? Non dubitavi, palam ac publicè, hac ipsa in Urbe Terrarum Orbis Theatro, in hoc Romani Collegii erudito Athenæo, Eminen-

tissimo coram, sapientissimoque Sabaudia
Patrono, & in amplissima Præfulum eruditif-
simorum corona, venire in partem publici
gaudii, adire fortunati Pupuli Regales cunas,
nostrâ illas coronare lauro, & mei privatim
animi monumenta, isto qualicumque carmi-
ne posteritati consignare. Ignosces audaciæ,
REGALIS PRINCEPS, ignosces temeritati, vel
potius hanc meam de Patriæ amantissimæ sin-
gulari felicitate lætitiâ boni consules. Hos
mihi animos Humanitas illa incredibilis Tua
fecit, quâ Subditos omnes, ac præsertim litte-
rarum amantes complecteris: ut qui non di-
gnitatis tantum, sed virtutum fastigio tot
Principibus præstas, Humanitate cæteris
etiam Augustior videare: omniumque prædi-
ceris linguis juxta Inimicorum Terror, Amor
Subditorum. Hac igitur eadem Humanitate
fretus oro, ut munusculum hoc non meo tan-
tum, sed totius Romani Collegii nomine Tibi
dicatum bonam in partem accipias, nec spe-
ctes quantulum sit ipsum per se se, sed quanto
animo, quàm Tibi dedito, quàm nobilissimæ
Domus Studio deferatur. Illud dum sacra-
bo Tibi, dum Regales ad cunas appendam,
interim Superos omnes comprecabor, non
vanus Augur, ac Vates, ut Tibi, & Augustæ
Proli salutem, felicitatem, adorem, quan-
mereris, cumulatissimè largiantur.



Ratulandum mihi est, quod ea se objecerit dicendi opportunitas, quâ non modo Regio Principi Prolem, verum etiam universæ Italiæ securitatem gratularer. Ad hoc enim interpretor, Augusto Sabaudie Duci concessam à Superis optatissimam Sobolem: ut Pacem Italiæ, adhuc nutantem hoc veluti pignore confirmarent. Quod quidem cur ita existimem, exponam quàm brevissimè: ac simul totius Poëmatiss argumentum, & seriem exponam.

Suarvitatem Pacis, quam Italia vix delibaverat, suo felle consperserat Timor: ne videlicet si Sabaudie Dux Hærede Filio destitueretur, bellorum inde causæ promanarent, simulque deesset qui otium Italiæ, spesque publicas tutaretur. Quamobrem in eo tota erat Italia, ut hanc Prolem à Superis impetraret. Per hæc tempora demissum è Cœlo Fulmen Taurinensem in Arcem, ingenti cum strepitu, nec sine Arcis detrimento præcipitat. Percussus metu Eridanus ad Neptunum Genitorem properatò confugiens, ab ipso edocetur, fulmen illud speratæ Prolis fuisse prænuncium: reuersus cum gaudio, Neptuni verbis, & prodigio, constare fidem intelligit.

Placuit ab eo fulmine felicissimum Proles augurium auspicari: quod solemne Antiquis accepimus, qui fulmen, in levam partem delapsum, in optimam augurii partem interpretabantur. Habent hoc proprium fulmina, ut auri venas in arcanis montium visceribus abditas detegant. Quidni voluerint Superi pretiosorem auro Sobolem, in arcanis Fatorum consiliis abditam per fulmen detegere, ac prænunciare? Denique, si Plinio teste, quoddam est gemmarum genus, pretiosum præ reliquis: quoniam, ut ejus verbis utar, non aliubi inveniatur, quàm in loco fulmine ictò; non ab re dictum censuerim, si eodem ex fulmine Regalis Gemmæ pretium collegero, & quod ipsum consequitur, Italiæ securitatem. Adeò ut nec optabilior deficientis Sæculi sperari potuerit exitus, nec ineuntis ingressus auspiciator.

Si qua occurrunt in Carmine Prophanorum Deorum nomina, & aliæ id genus voces, nos illas Poëtarum usurpamus more, & à Christianis hominibus, ut par est, acceptum iri confidimus.

Imprimatur,

Si videbitur Reverendiss. P. Mag. Sac. Pal. Apostol.

*Dominicus B. de Bellis Episc. Melphicten.
Vicesg.*

Imprimatur,

Fr. Gregorius Sellari Mag. ac Reverendiss.
P. Fr. Paulini Bernardini Sac. Pal. Apost.
Mag. Socius Ord. Prædic.

GENETHLIACON.

UNDE nova irato surgit Clementia Cœlo ?
 Dant animos, dant spes vel fulmina : quæque ruinas,
 Certaue portabant perituris funera Terris,
 Muneribus cumulant, verso nunc ordine, Terras.
 Quid Vobis reliquum, Superi ? Mortalia vota
 Quid metuant ; vestras si in munera vertitis iras ?
 Sic ò, sic nobis, sic sæpè irascere Cœlum !

Felices Itali, quibus, olim nuncia cladis,
 Fulmina perpetuæ cedunt in pignora Pacis,
 Et spes sollicitas Augusti Germinis implent !
 Si Timor ipse animos addit, si fulmina profunt ;
 Quid non de Superis tandem sperare licebit ?

Tuque ò fulmineos inter concepte fragores,
 REGALIS PUER, & qualem prodire decebat
 Ab Jove, Progenies, sive à Mavorte Sabauda,
 Edere felices vagitus incipe : & illos
 Aude, Blande Puer, Cœlo sociare Tonanti.
 Bellè conveniunt hæc fulmina fausta, Tuique
 Vagitus : illi furialia bella, trucesque
 Compescent strepitus bellorum. Nunc Tibi lauros
 Interea circum dulces sine serpere cunas,
 Dum præfaga refert venturos Musa Triumphos,
 Quos modò portendunt Tibi fulmina læva Triumphos.

Bellorum postquam durus desæviit ardor,
 Aufoniis tandem Pacem se reddere Terris
 Jusserat Aufonius Mavors. Vix Alpibus illam
 Italia inspexit labentem ; Protinus Almæ
 Pacis in amplexum ruit, & mille oscula libat,

O Pacem, ò longo speratam tempore Pacem !
 Exclamans . Pacem ingeminat non flebilis Echo :
 Auditam ingeminant Valles , & littora Pacem .
 Quàm læti Ausonidum plausus ? Quæ gaudia passim
 Serpere ? Nusquam ullas sensissent gaudia metas ,
 Tu nisi, sæve Timor , felicibus inuide rebus ,
 Vix libata metu misceres gaudia tristi .

Namque Timor , reducis comes , & custodia Pacis ,
 Ponè sequens aderat : dubio vestigia figit ,
 Et tremulo gressu , dum semper cogitat hostem ,
 Ignescque , & scopulos , & mille pericula cernit .
 Pallida frons , oculi tristes , maciemque severam
 Obduxere genis , nutrit quas pectore , curæ :
 Nam secum incertus noctesque diesque volutat
 Eventus rerum tristes , curasque futuri :
 Heu vanas in se , sed mæsto in pectore , veras !
 Nempe facit curam ipse Timor , dum cura timetur .
 Horrescunt crines , vel nunc dum Pacis adhæret
 Securus lateri : dubio nam pectore volvens ,
 Nunquam venturi metuit discrimina Belli ;
 Et Bellum struit ipse sibi formidine Belli .

Ille ubi festivo sensit fremere omnia cantu ,
 Ausoniamque alacri plaudentem murmure Pubem ;
 Horruit : incertoque tremiscens corpore , & altum :
 Suspirans , hilares plausus hac voce repressit :
 Heu Itali ! lætis nimium ne fidite rebus .
 Non vobis Superi mansuræ pignora Pacis
 Tuta satis dederunt : Vestras huc vertite mentes :
 Evolvam modò quæ mancant vos Fata . Sabaudus
 Bellorum Domitor , Pacisque Assertor , & Auspex ,
 Mortalis donec terris patietur haberi ,
 Sperate : Italicis nunquam Pax cedet ab oris .
 Ipse nequit timuisse Timor : Sperare jubetur
 Nunc primùm , & sperare jubet , Qui fœdera junxit ,

Idem

Idem animo sapiens firmabit fœdera Princeps :
 Sive opus ; invictis Pacem tutabitur armis :
 Obiectasque Alpes si Bellum infringere tentet ;
 Obvius occurret , sua per discrimina , Victor .

Novit enim Martis caput objectare periclis ;
 Ingentemque animam bello contemnere , certus
 Non revocare pedem , quamquam undique ferreus imber ,
 Plurimaque instantis lethi obversetur imago .
 Ah quoties volui , per tela inimica , per hostes
 Impavidum , se fulmineo mucrone ferentem
 Increpuisse Ducem ! Non est victoria tanti :
 Ah non usque tuis Pax est redimenda periclis !
 Hæc dixisse animus fuerat : sed adire ruentem
 Per medias cædes , timui , rapidumque morari .
 Quis prope Belligeri poterat Ducis ora tueri ,
 Ora indignantem latè spirantia Martem ,
 Sive Jovem , trifido findit cum nubila telo ?
 Herculis ah potiùs conspectum , irasque tulissem ,
 Seu cum Geryonis monstrum , aut centuplicis Hydræ ,
 Aut Erymanthæum clavâ prosterneret Aprum .
 Profuit avertisse oculos , gressusque fugaces :
 Ne Dux magnanimas in me converteret iras .
 Vos illûm incolumem , tot per discrimina lethi ,
 Servastis , Superi . Longùm servate Latinis
 Præsidium rebus . Sed me nova cura remordet .

Progeniem Augusto nondum exorata Sabaudo
 Fata negant donare parem . Fors clausit in Uno
 Regalem Proavûm Populum , seriemque Nepotum
 Immensam , atque Unum tota pro Gente creavit
 Natura , innumeros gestantem in pectore Reges :
 Mortalem tamen . Hunc Italis heu tristitia Fata
 Si quando , emeritæ post tempora longa Senectæ ,
 Invideant Terris , aut bellicus auferat ardor ;
 Quis Pacem Hesperix , quis par tutabitur Heros ?

Nequicquam impositas Natura objecerit Alpes,
 Italix muros, & Propugnacula Pacis,
 Vindice si careant, & Defensore secundo.
 Vidi ego disruptas subiecto pulvere Rupes,
 Horresco referens: Volitare per aëra vidi,
 Saxorum avulsas magno cum murmure moles.
 Heu nullum satis est tutum sine vindice Vallum!
 Noscere venturos simul & prævertere casus
 Expertus, moneo. Lætis ne fidite rebus,
 O Itali, incertis nimium neu plaudite fatis.
 Augustæ Superos in vota lacescere Proles
 Præstiterit: reducem firment hoc pignore Pacem.
 Dixit: & immistis turbavit gaudia curis.

Sic ubi arundineam subiere incendia Sylvam;
 Protinus effuso bacchantes agmine flammæ,
 Huc, illuc serpunt hilares, crepitantque favillis,
 Perque leves saliant calamos, perque aëra ludunt:
 Exultant, festoque Ignes sibi murmure plaudunt:
 Interea gelidus Cælo si defluat imber;
 Frigescunt sensim flammarum gaudia, sensim
 Torpescunt mistis tepesacta incendia lymphis;
 Haud aliter festis cum plausibus Itala Pubes,
 Murmureque infremeret; gelidus Timor omnia curis
 Miscet. Plaudendi sensim deferbuit ardor:
 Inque vicem subeunt caræ vota anxia Proles.

Tum labor Hesperix, votis precibusque morantes
 Sollicitare Deos: Heu quid mihi munera Pacis
 Profuerint Superi; si me nova prælia vexant
 Spemque metumque inter, dubiique pericula Fati.
 Incertam, curisque gravem? Proh si qua superstes
 Italiae vobis cura est; properate precanti
 Regalem AMEDEO Sobolem. Si lenta morantur
 Necdum operis tanti longum inpievere laborem
 Fata; vel informem invitis educite Fatis.

Sat Prolem Augustam Genitor, viresque tenellas
 Formabit: grandes animos, rerumque capacem
 Magnarum finget mentem. Modò Regia passu
 Ponè legat tenero Patris vestigia Proles;
 Poscimus hoc unum: Discet Genitore Magistro,
 Et regere Imperio Populos, latèque tueri
 Hesperiaè vallum, bellique arcere timorem.
 Ergo agite, & reducem firmate hoc pignore Pacem.
 Quæ tenuere moræ? Properate hoc sydera munus
 Hesperiaè, & longas metuenti demite curas.
 Dixit: & adverso defigens lumina Cælo,
 Cum votis lachrymas, longa & suspiria fundit.
 Sed vota, & lachrymas, longa & suspiria longùm
 Dissimulant Superi: dubiamque morando fatigant:
 Gaudentque horrificis metuentem ludere signis.

Italiaè ad Vallum, præruptaque mœnia, quæ se
 Urbs Augusta, ingens, formâ pulcherrima jactat,
 Arduaue attollit Turritam ad sydera frontem,
 Taurinum; triplici surgit circumdata Vallo,
 Arx, multorum ingens sæclorum opus, atque laborum:
 Arcanas fodere vias, Puteumque capaci
 Tramite cæca putes in Tartara descendentem:
 Immanes abière in propugnacula Montes,
 In Vallum Sylvæ, in sinuosas Flumina fossas.
 Frustra illam innumeræ Bello petiere Phalanges:
 Una omnes contra stetit inconcussa Phalanges.
 At non Cælicolum stetit insuperabilis armis.

Namque soporiferæ per cæca silentia noctis,
 Ingruit in celsam vis horrida fulminis Arcem,
 Heu malè tot Vallis adversùs fulmina tutam!
 Ignivomum serpit per Propugnacula Telum,
 Visceraque interiùs penetrat, perque Horrea fertur,
 Pulvere sulphureo, & tacitis prægnantia flammis.

Illicet effractis turmatim incendia claustris
 Profiliere . Cavis quotquot fornacibus Aetna ,
 Seu quascumque Erebi Strygius Rex claudit in antro ,
 Sulphureas pestes , ruptisque tonitrua vinclis
 Erupisse putes , coniuratoſque tumultus
 Orbis in exitium Naturam armaſſe Novercam .

Namque ubi celatas nitrato in pulvere flammas
 Excuffit , laxiſque dedit decurrere habenis
 Vulcanus ; valido luſtamine concutit Arcem ,
 Vi facturus iter flammis : ſimul aggere quaſſo
 Avuſas Tellus eieſtat in aëra moles :
 Diſperſa horrifico diſſultant ſaxa fragore :
 Ariete nunc Cælum , Cælo aſſurgentia , pulſant ;
 Nunc obverſa ſolo , rapidoque volumine Molis
 Præcipitata , novam preſſa Tellure ruinam
 Effodiunt , ſtrepituque novam ingemuere ruinam .
 Ingeminat cum clade fragor . Non murmure tanto
 Juppiter obſtrepuit , cum poſt ſera bella Gigantum
 Montibus impoſitum geminis devolyeret Oſſam
 Præcipitem , curruque gravi quaſſaret Olympum .

Nutavere Urbis valido concuſſa tremore
 Moenia : nutarunt ædes , & cardine moto
 Divulſæ patuere fores , & Regia Turris
 Excuffit tremulo libratum vertice Taurum .
 Ipſæ etiam , audito reboantis murmure cladiſ ,
 Intremuere Alpes . O quæ modò triſtia duces
 Omina , & Heſperiiſ heu quàm crudelia rebus
 Fata canes , quantosve ſeres in cordibus æſtus ,
 Peſſimus in dubiis augur Timor ! Audit utrumque
 Obſtrepere inſolitiſ , frangique fragoribus Axem
 Eridanus , crebriſque videt fulgoribus undas
 Irradiare : ſtatim gelido Caput exerit Antro :
 Sydera que aſpiciens , alium Phaëtonta putavit
 Fulmine deſectum nova ſerre incendia Terris .

Post ubi flammivomo perculsam fulmine sensit
 Conflagrare Arcem ; Superi ! Quæ fata paratis
 Italiæ ? exclamat , vel quas portenditis iras ?
 Poscite nunc , Itali , Prolem , nova pignora Pacis
 Cælicolas , nullis domitam qui viribus Arcem ,
 Præsidium Pacis , nullo superabile Bello ,
 Fulminibus fregere suis , & vindice flammâ .
 O Spes Italiæ vanas ! O irrita vota !
 Mox erit , ut quassas Dij vertant funditus Alpes ,
 Et Te nativis sine mœnibus indefensam ,
 Ludibrium objiciant Bellis , Martique cruento .
 Sed quid ego incautus diverbero vocibus auras ?
 Quidve moror superis invisâ abscedere Terrâ ?
 Sic ait : & trepidas urget velocior undas ,
 Neptunumque Patrem superatis , visere , ripis
 Effreni properat , brevior quàm semita , cursu .

Fortè renascentis sub prima exordia Solis
 Plus solito lætus Neptunus Rector aquarum
 Ludebat celeri tranquilla per æquora curru ,
 Et festo circum plaudebant carmine Nymphæ .
 Sed volvi insano procul audit murmure fluctus :
 Frænat equos loris , jussitque silentia Nymphis :
 Dein tacitis oculis Maria omnia circumspexit .
 Eridanum , insueto venientem tramite cernit ,
 In Mare præcipitem turbatas volvere lymphas .
 Risit . Norat enim , Natum quæ causâ timoris ,
 Triste per augurium , spectro terreret inani .
 Sed gaudet , causamque fugæ subitique pavoris
 Audire , & longas , Nato referente , querelas .

Ergo ubi Cærulei primùm subit ora Parentis
 Eridanus : Patriis , inquit , considerare Regnis ,
 Da , Genitor , fessum post dira pericula Natum .
 Sum Tua progenies : dederas regnare tot inter
 Hesperiae Fluvios , & aquosæ Gentis habenas

Fleſcere. Regnavi, Heſperiaꝝ dum Regna manerent,
 Et viſa eſt rebus Fortuna favere Latinis.
 At nunc, quòd Superùm vertit ſententia mentem,
 Regnare adverſis vanum eſt ac flebile Divis.
 Credo equidem noſti. Speratam Numina Prolem
 Italiaꝝ impacata negant: quin, omine triſti,
 Fulminibus vertere Arcem, flammisꝝ dedere.
 Quid ſupeſt, Alpes quin, & Regna Itala vertant?
 Fugi, quid flammæ, noceant quid fulmina, gnarus.
 Ni fugerem, ariſſent undæ, quas fulmine cernis
 Afflatas, viſiſꝝ ſemel flavescere flammis.
 Providus effugi iſtantis præſagia Fati
 Forſitan Heſperiam Superi de ſedibus imis,
 Dum loquor, evertunt. Pavidas, Pater, excipe lymphas,
 Meque Tuo incolumem Regno tantæ omina cladis,
 Da, Genitor, vitare, Tui ſub Numinis umbra.

Olli ſubridens Genitor, qui temperat undas,
 Vultu, quo reduces poſt aſpera prælia Ponti
 Solatur Nymphas, Natum ſolatur: & iſtos
 Pone metus, dixit, Fatorum ignare Tuorum,
 Nate. Nec Heſperias oderunt Numina Terras,
 Nec Prolem Fata abnuerint, aut vota precantis
 Italiaꝝ ſprevere Dii: cum fulmina vibrant;
 Non ſemper tactis portendunt funera Terris:
 Interdum tactis portendunt munera Terris:
 Et ſua diſimulant terroris imagine dona.
 Falleris, & mentem timidus malè decipit error,
 Irato quòd cuncta putas erumpere Cœlo
 Fulmina, & infauctis cladem portendere Terris.
 Sunt etiam, Fili, ſunt fulmina læva, boniſꝝque
 Aſuperis immiſſa: tonat cum nube ſerenâ
 Juppiter, & claro ludit placabilis igne.
 Ignosco, nimium timeas quòd fulmina, Nate,
 Qui Phaëtontæ ſenſiſti damna ruinæ.

Ipse etiam timui : Sed me Cyllenius Ales ,
 Consciis Interpres Divum , cui cura laborque ,
 Deferre Indigenis Superum molimina Divis ,
 Nuncius è Cælo , excusso vix fulmine , lapsus ,
 Me primum edocuit lusus , & dona Tonantis ,
 Quæ Tibi jam referam , solvamque è pectore curas ,
 Et capies mecum , capi quæ gaudia , Nate .

Nam veluti , niveum generans è rore lapillum ,
 Concha Maris , fracto si murmuret aëre fulmen ,
 Divitias uteri pandit , gemmamque nitentem
 Inter fulmineos properatam parturit ignes ;
 Haud secus Augustam Sobolem dum Fata morantur ,
 Fulmineo tardas Superi increpuere fragore ,
 Et vicere moras : festinantque edere Terris
 Primum ubi , quisque suo , cumularint , munere , Prolem .
 En Tibi , quæ fulget cognato nomine * sydus
 Convenere omnes Superi , Prolemque Beatam Eridanus Si-
 Divinis ornant donis , Mundoque petenti gnum Cæleste
 Expediunt : pudet Italiæ protendere vota .
 Postquam operi finem dederint ; Caducifer Ales
 Deferet Hesperiaè promissum ex æthere Munus
 Perpetuæ tutelam , & pignus amabile Pacis .

Tu modò , Nate , Tuas , mora nulla , revertere sedes :
 Ut Prolem obsequio certans , & munere largo
 Excipias : monitusque Tuos damnare timores ,
 Fatorumque moras non incusare memento :
 Interea præbere meis spectacula Nymphis ,
 Atque novos pergam celebrare per æquora ludos .
 Namque ardent hilares orituræ plaudere Proli ,
 Fasciolasque parant , Puerumque decentia dona ,
 Officiisque Tuas certant prævertere Nymphas .

Audiit attonito similis , similisque triumphanti
 Eridanus . Vix facta Pudor sed gaudia turbat .
 Nam pudet arripuisse fugam : certusque reverti ,

Sibila Nympharum metuit, ludentia Regera
 Cornigerum, vanâ terroris imagine luscum.
 Obscuras rediturus amat, quaritque latebras:
 Tramiteque arcano Terræ per viscera serpit.
 Sed cæcum per iter, Genitoris dicta revolvens,
 Vix mentem capit ipse suam. Vicere pudorem
 Gaudia. Profiliens imâ Tellure sub auras
 Erumpit, lætisque Urbes clamoribus implet,
 Ostentatque viris solito fulgentius Astrum
 Eridani: poteratque ipsum tunc vincere Solem.
 Namque ubi confluxere Dii, tunc Sidus in unum
 Astrorum congestus honos, & gloria fluxit.

Nec mora. Præclaro finem imposuere labori
 Cælicolæ: Ipse suis gestans Cyllenius ulnis
 Speratam Hesperiaë desert ex Aethere Prolem:
 Labensque, Augusti surgit quâ Principis Aula,
 Celsaque magnifico se tollit Regia luxu,
 Pacis in amplexus demittens: Accipe, dixit,
 Grande moræ pretium: optatum, Pax, excipe Alumnum
 Longam Fatorum curam, Superumque laborem.
 Dij certatim omnes finxere, sat omnibus unum.

Huic animum ingentem, Majestatemque verendam,
 Et mentem Imperiis habilem, Populisque regendis
 Juppiter iniecit: formam Venus addidit ori,
 Purpureosque genis, niveosque afflavit honores,
 Inque omni teneros vultu congestit amores.
 Vim cordi generosam, & inextuperabile robur,
 Purpureisque oculis acres Mars indidit ignes.
 Se puerum in Puero Martem pinxisse putares:
 Sic oculos, sic ora puer, Grædive, ferebas.
 In Puero credas sub imagine Martis Amorem:
 Sed crede in Puero sub Amoris imagine Martem.
 Martem disimulans si quando spiret Amorem;
 Vel semel inspectus Bellorum mulserit iras:

Illum nempe ferox cum viderit hostis, amabit.
 Deposito sed amore ferus si quando minaci
 Sæviet aspectu; Martem exeret: ora cruentum
 Spirabunt Martem: fugiet, cum viderit, hostis.

Ipse ego sed roseis conspersi mella labellis:
 Dulce dedi eloquium, blandæ & modulamina linguæ.
 Nempe, ubi Trejcius virtute subegerit hostes;
 Voce feros hominum cultus, & agrestia finget
 Pectora, bis domito referens ex hoste Triumphos.
 Insuper ingenuas versatile Corpus ad artes,
 Nervorumque agiles aptavi ad singula nexus.
 Si quando Cytharam digitis impellere eburnis,
 Sive gravem jaculis, Urliisque, Aprisque minacem
 Juverit accinctam lateri tractare Pharetram;
 Blandus erit Cytharam, blandus tractare Pharetram.
 Sive insignis equo ludat spectacula Martis,
 Et modò Cornipedem sinuosos flectat in orbes;
 Nunc jubeat, geminis fodiens calcaribus armos,
 Exultare solo, celerique erumpere saltu;
 Dulce ferox erit, & blanda gravitate timendus.

Sed veris propiora movens certamina Martis,
 Cum longâ rapidum Alipedem stimulabit arenâ,
 Stantem ad claustra hostem, vel fictum, Casside frustra
 Munitum, ferrique gravi sub pondere tectum,
 Ipse volans, arrectus Equo, strictâ impetet hastâ,
 Fervidus; incipiet jam non impunè timeri.
 Quippe ruens fractæ per rimas cassidis ictum
 Interiùs figet, telumque infringet in ore
 Sic oculos discet Getici terebrare Tyranni,
 Vera ubi depositis indicet prælia ludis.
 Scilicet ad tales habilem forma vimus usus.

Ultimus absolvendo operi, tremulo pede venit
 Saturnus Pater: & Pueri defixus in ore,
 Observat rubros imitantia labra pyropos,

Ambrosiasque genas, & lactea lilia frontis,
 Sideribusque pares oculos, blandèque severos.
 Vix oculos explet visu: quin lene fluentes
 Continuisse nequit lachrymas. Properare laborem
 Sed monitus, tandem Puer superaddidit altum
 Consilium Senis, & maturæ pondera mentis
 Annosus Pater: atque aurei Rex arbiter ævi,
 Cum Puer Imperium divisit, & aurea Nato
 Jussit in Hesperiiis famulari sæcula Terris.

Hæc merces pretiosa moræ. Sic sænore multo
 Longas votorum curas, Arcisque ruinam
 Pensavere Dii. Quin hac mercede placerent
 Fulminibus quassatæ Alpès, & diruta fundo
 Mœnia, prærupto Hesperiam cingentia vallo.
 Scilicet Hic Unus, si Propugnacula desint;
 Si ruerent Alpès; Bello insuperabile vallum
 Hic Puer unus erit, totamque tuebitur Unus
 Italiam. Hæc Superi præfagia certa dedere,
 Fulmine visi Arcem convellere. Scilicet Arce
 Non opus, innumeras Unus si suppleat Arces.

Nec cum fulmineo Superi obstrepuere fragore
 Italiam petire minis: petiere sed hostem
 Regnatorem Asiæ. Lybicas delatus in oras
 Vix fragor intonuit; simul omnia Regna tumultu.
 Misceri, ac trepidare metu. Quin omnia cladis
 Accumulant Superi: nam, quæ Mavortius Heros
 EUGENIUS Scythico satiaverat, arva, cruore,
 Obstupuere Scythæ, redivivo undantia tabo
 Fervere, sanguineasque iterum, ceu clade recenti;
 Dum volvunt spumas, pariles portendere clades.
 Insuper ingeminant vesano murmure Ripæ (dam
 EUGENIUM, CAROLOS, PHILIBERTOS, bellica quon-
 Fulmina, & odrysiis fatalia nomina Terris.

Mox ubi progenitam media inter fulmina Prolem